



Шочмо эл, порылык да чын верч!

Будь готов!

52-шо (3596) №,
2022 ий 30 декабрь,
кугарня.



0+

1933 ий 1 февраль годсек лектеш.

У ўшаным сора У ий



Марий йылмым тунемше, түрлө конкурсышто сенгыше, тунеммаште да мер илышыште ойыр-темалтше ўдыр-рвезе-влакым Республикысе марий түвыра рүдер «Весела У ий пайрем» марий ёлкыш чумырен. Ончылгоч увертарыме конкурслаште сенгыше-влакым саламлен. Нуным 4-5-ше лаштыклаште ужын кертыда.

Звенигово район 2-шо номеран Красногорский школын 1-ше классыштыже тунемше ўдыр-влак (снимкыште) марий ёлкыш икымше гана толынйт да моткоч йывыртеныт. Нуно Тошнур ялысе түвыра пөрт пеленысе «Изи шүдыр» ансамбльыш коштыт. Вуйлатышышт — Р.Г.Белкова.

Е.ИВАНОВАН фотожо.

QR-код полшымо дене «Весела У ий пайремым» ончаш лиеш.



Кугу пушын медальже верч

Кадетский ден мариинский класс-влакын телымсе все-российский погынымашышт Сочи олаште лийын. Марий Эл Республик гыч 3-шо номеран Медведево школын кадетше-шамыч (снимкыште) миеныт.



фотом интернет гыч налме.

– «Край родной, навек любимый» теме дене визитный картычкына икымше верым налын. Йоча-влак тўрлў предмет дене шинчымашыштым тергеныт, да ятырын сенгышыш лектыныт. Школ команде-шамычын робототехнике дене «ROBO MOVEMENT» чемпионатыштышт «Орлята» команде чыланаштыштыш ончылтен, «Беркут» кокымшо лийын. Ёдыр-рвезе-влак спорт таҥасымашлаштыш ойыртемалтыныт, – оила школ директор Л.Чугунова.

Иктешлымеке, «Беркут» команде Гран-прим сенен налын. Нунылан корабльын медальжым кучыктеныт. «Орлята» команде кокымшо лийын.

Х.АЛЕКСАНДРОВА ямдылен.

Весела пайрем

«Весела У ий пайрем» марий ёлкышто Волжский районысо тўрлў школ гыч лу тунемше жапым веселан эртарен. Нунын коклаште мыят лийынам. Йўштў Кугыза ден Лумёдыр кажне йочалан пўлекым кучыктеныт. Мотор кож йыр мурым мурен пўрдынна, куштенна. Курчак театрын артистше-влак «Снеговик-почтовик» спектакльым ончыктеныт. Пайрем моткоч келшен.

Алёна ЧАПИШЕВА.
Волжский, Сотнур.

*Телын чеверже –
Рошто пагыт.
Калыкмут.*

Палаш онгай

Ожно модыш-влакым кожыш арамлан огыл сакаленыт. Нуно мом-гынат ончыктеныт.


Сорта – волгыдо тўня.

Шар – Адамын олмаже.

Пакчасаска – шушаш ийын лектышыже.

Онгыр – аралтыш.

Шўдыр – Вифлеем шўдыр.



Чеверын, тошто ий!

Чеверын!

Мый ом каласе:

«Угыч ващлиймеш».

Мый порын ващлиям У ийым.

Чыла сайлан ўшаныме шуэш.



фотом школ архив гыч налме.

У ий – вучымо пайремна. Ме школышто кажне ийын тиде пайремлан тўрлў кидпашам ямдылена. Мемнан тебе могай мотор кож-влак лектыныт (снимкыште).

Кумшо классыште тунемше-влак.
У Торьял, Токтарсола.

Российысе увер

Кумылан кажне ег «Лучшее письмо для Деда Мороза» всероссийский конкурсышко ушнен кертеш. Серышым возыман да Йўштў Кугызан Москосо илемышкыже **21 январь марте** колтыман. Тудо **109472, Моско ола, Кузьминский лес** адрес дене верланен.

8-11-ше класслаште тунемше-влак, программирований дене «Технокубок» олимпиадышке ушныза. Тидлан, **techno-cup.ru** сайтыш пурен, йодмашым колтыза. Сенгыше-влаклан информатике дене кугыжаныш экзаменым кучымышт годым 100 балл марте ешарен кертят.

6-17 ияш ёдыр-рвезе-влаклан «Моё место» тўнямбал сўрет конкурсым эртарат. Кажне участник кум пашам колтен кертеш. Сўретым **31 январь марте** налыт. Тўрыс увер – **col-orart.goleniow.pl** сайтыште.

Марий Элысе увер

1-11-ше класслаште тунемше-влаклан «Роль учителя (педагога наставника) в моей жизни» республикысе конкурсым увертареныт. Видеороликым войзыман да **orgotdelrv12@yandex.ru** адрес дене электрон почтыш **20 март марте** колтыман.

Звенигово районысо Мастерлык пўртыштў «Марий калык тўр» студийым вуйлатыше **Н.Е.Майкова** ден **Медведево район Руэм посёлкысо** йоча сымыктыш школын директоржо **А.В.Кошкинлан** Россий Федерацийысе тўвыран сулло пашаенже лўмым пуэныт.

7-17 ияш ёдыр-рвезе-влак, тыгак еш-шамыч «Рождественские чудеса» республикысе конкурсышто мастерлыкыштым терген кертят. Вертеп (Иисус Христосын пещерже) поделкым, Рошто суксым да кожым ыштыман. Пашам **Йошкар-Ола, Пушкин урем, 32-шо пўрт** адрес дене кондыман.

«Рвезе йүк» серызым кушта

Марий Элын калык писательже В.А.Абукаев-Эмгак лүмеш «Ший памаш» поро кумылым ончыктымо сълнымут фонд дене пырля эртарыме «Рвезе йүк» конкурсым М.Шкетан лүмеш Марий драме театрыште иктешленна. Ий мучко ойыртмалтын возышо юнкор-влакым лауреат лүм дене палемденна. Чолга ўдыр-влак-лан кубок ден пөлекым «Ший памаш» сълнымут фондым вуйлатыше В.В.Краснов да «Ямде лий» газетын тўн редакторжо Л.Н.Григорьева кучыктеныт.

В.В.КРАСНОВ,
прозаик:

– У ий пайремлан кеч-могай йоча пөлекым вуча. Ача-авана мемнам тўрлө семын эре куандареныт. Ачам чодыра гыч кожым конден. Икана паша гыч вараш кодын толын. У ийым вашлийман, а мемнан кожна уке. Чодыраш кожлан шке каенам. Толын шумешке, ятыр укшыжо пудырген гынат, моторын сōрастаренна. Тунам мый иктаж индеш-лу ияш лийынам. Тыгай сынан поро шарнымаш-влак кызытат чоным ырыктат.



У ийыште чылалан тазалыкым тыланем, иктесым йōратыза. Марий калык, тек йочада марий йылмым тунемеш. Марий йоча марий йылмым палышаш, ача-авам пагалышаш. Шочмо йылме ава дене иктаж. Тек кажне марий йоча марий улмыж дене кугешна.

ойла Елена Валериановна.

«Почётан юнкор» лүм дене прозаик, «Ямде лий» газетыште ятыр ий тўн редакторлан пашам ыштыше, кызыт «Марий Эл» газетыште сълнымут йодыш дене редактор, Марий Эл Республикын сулло журналистше **Лидия Васильевна Семёнова** палемдалтын (**сенгыше-влакым снимкыште ужыда**).

Ший памаш гай яндар, ава шōр дене чоныш шынгыше шочмо марий йылмым кузе от йōрате? «Ямде лий» газет дене пенгыде кылым кучышо ўдыр-рвезе-влак ончыкыжымат ятырын лийыт манын ўшанена. Кажне ийын эртарыме «Рвезе йүк» сълнымут конкурсыш тўрлө темылан заметкым, йомакым, ойлымашым, мыскарам, почеламутым вучаш тўнгалына. Марий Эл деч ѓрдыжтō илыше йоча-влакынат пашаштым вучена. Ўдыр-рвезе-влак, те ончыкылыклан ўшаным пуэда.

Е.ИВАНОВА.



Журналистикын тўрлө жанрже дене чолган возымыжлан «Ямде лий» газетын икымше редакторжо **Зинаида Емельяновна Яковлева** лүмеш премий дене Советский район Кельмаксола школын тунемшыже **Юлия Ягодарова** палемдалтын. Поэзийыште ойыртмалтмыжлан **Антонив Ивук** лүмеш премийым 1-ше номеран Шернур школын тунемшыже **Анна Прохорова** налын. Юнкор да сълнымут пашам сайын виктарен колтымылан **Валентин Борисович Исенек** лүмеш премийым Морко район Шўргыял школын «**Марий сълнымут садвечыште**» юнкор кружоклан пуымо.

Вуйлатышыже – марий йылмым да литературым туныктышо **Е.В.Григорьева**.

– *Шуко вере марий йылмым йот йылме семын тунеммылан чонем корита. Мый узинек шочмо йылмым йōратен кушкынам. Пашам толмеке, марий йылмын амжым, моторлыкшым, вийжым шижын мошташ йочашамычымат кумылан денем. Тидешоньымаш денак юнкор кружокым почиам. Тўн темына – шочмо йылме. Ме почеламутлам, сочиненийлам, кўчык заметкылам возена. Синквейным гын кажне йоча ыштен ончен. Кружокын лектышыже тунемме ий мучаште сайын палдырна, –*

Марий Элын калык писательже Вячеслав Абукаев-Эмгак лүмеш «Ший памаш» сълнымут конкурсын лауреатше-влакым ты кечынак саламленыт. Нунын коклаште мемнан пашаенна – **Христина Александрова**. Тудо «Эн сай поэзий» тагасыште «**Кинде-шинчал**» премий дене палемдалтын (**снимкыште**).

Авторын фотожо-влак.

«Рвезе йүк» конкурсым эртараш полиышо «Ший памаш» сълнымут фондым вуйлатыше **Василий Краснов**лан кугу таум ойлена.



Л.Г. ИКСАНОВА,
поэт:

– Изиэм годым У ий лышто тунемше
пайремым пеш вученам. эн онай лийын.
Тунам онай вашлиймашлан, Немда) 10-12 ияш-влак
сайын тунеммылан куаненна, лектын.
ушан-шотан лиймына шуын. Койсола) пашаже
«Ямде лий» газетеш заметкына кугурак ийготан-влак
але почеламутна савыкталтын гын, кугу пиал лудаш темлена.

У ийым кузе вашлияш?

- Кролик пүртүсым йората, сандене ёлкым сорастарыманак.
- Ёлко йыр нарынче, шортньо түсан окса сорастарышым онго семын пыштыман. Ий мучко шийвундо лиеш.
- Кролик арулыкым йората. У ий деч ончыч портым эрыктыман, пудыргышо, шелше арверым луктын кудалтыман.



Ямде улына

Ме у ий кожым ноябрь мучаштак шогалтенна. Шоллым да шүжарем дене авамлан тудым түрлө мотор модыш, бантик дене сорастараш полшенна (снимкыште). Тений шортньо да йошкар түс-влакым веле кучылтынна. Но кажныже түрлө түран, сүретан. Кож йымалан пөлекшамычым веранденна. У ийлан ямде улына. Тудо мыланна куаным, пиалым да сенгымашым пөлекла манын ўшанена.

Эльмир АНИСИМОВ.

У Торъял, Токтарсола.



Фотом еш архив гыч налме.

Республикысе марий түвыра рүдерын эртарыме «Йүштө Кугызалан серыш» конкурсыш түрлө районысо школла гыч йоча-влак ушненыт. 6-9 ияш-влак коклаште Шернур район Лажъял школышто тунемше Александр Волковын серышыже эн онай лийын. Регина Лебедева (У Торъял, Немда) 10-12 ияш-влак коклаште сенгышыш лектын. Никита Панинын (Шернур, Койсола) пашаже кугурак ийготан-влак коклаште ойыртемалтын.

Тыныслыкым пөлекле

Поро жапда лийже, Йүштө Кугыза! Ме ешыште индеш эрге улына. У ий пайремым кажне ийын чон вургыж вучена. Ме тудын юзо вийжылан ўшанена.


Пайрем кумылем тений вестүрлө. Кугурак изам – Украиньште спецоперацыйыште. Авамьн тургыжланьмыжым ончаш моткоч йөсө. Йүштө Кугыза, эн кугу пөлек авамьн ласка йүд омыжо, еш дене иквереш чумырген, ўстел йыр шинчын, У ийым пайремлымаш лийыт. Колонкат, электро-самокатат огыт кўл. Тўнжө – тўнямбалне тыныслык лийже. Тек авана-влак эргыштым вашлийыт, ўдырамаш-шамыч – пелашыштым, йоча-влак – ачаштым.

Пижгом дене сенен

«У ий дене!» этнооткрытке республикысе конкурсышко ятыр паша пурен. Ўдыр-рвезе-влак Йүштө Кугызам, Лумўдырым, у идалыкын озажым, мераным, оршым, кожым да молымат сүретленит. Марий түр дене сылнын сорастареныт. 6-9 ияш-влак коклаште Звенигово олесе «Светлячок» йочасад гыч Егор Соловьев сенгышыш лектын. 1-ше номеран Шернур школын тунемшыже Денис Якимов (снимкыште) 10-12 ияш-шамыч коклаште ойыртемалтын. Уста рвезе дене «Весела У ий пайремыште» вашлийна.

– Ме авам Надежда Николаевна дене пырля йошкар пижым ямдыленна. Марий калыклан порылыкым, тазалыкым, сенгымашым тыланенам. Тошто ийым порын ужатен, чыла йөсылыкым шеңгелан коден, у ийышке ўшанлын вончышт, – оила Денис.

Х.АЛЕКСАНДРОВА.



Фотом еш архив гыч налме.

Кочан илемышкыже

Ме йолташ да ача-ава-влак дене пырля Шернур район Кукнур селаш марий Йүштө Кугызан илемышкыже икымше гана миенна. Игече йүштө лийын гынат, кылмен огынал. Ме Вуверкува дене пырля түрлө модыш дене модынна, сонарзе дене пырля лўйкаленна, маскам помыжалтаренна, курык гыч мунчалтенна. Чодыраште вучымо Йүштө Кугыза ден Лумўдырым вашлийынна. Нуно мыланна блокнотым пөлекленыт. Мөнгө кугу куан дене портылынна.

Алина СУББОТИНА.

2-шо номеран Морко школ.

Серыш

Поро Йүштө Кугыза,
Серыш Морко гыч вашка.
Толыда чай унала?
Кеч мардеж йүдвошт лүшка.
Сайын, тыршен тунемам,
«Визытаным» лач налам.
Пашалан кожмак улам.
Куш күлеш – эре шуам.
Мый пөлекым пеш вучем.
Эх, планшетымак йоднем.
Чапле күлешан арверым
Ала кож йымак кодет?

Ксения ИВАНОВА.
Морко, Коркатово.



И.А.ГАВРИЛОВ,
Марий Элын калык
кидмастарже:

– У ий – йомакым ушештарыше,
кугыенымат ик жаплан йоча пагытыш
пörтылтышö пайрем. Йүштö Кугызалан
кызытат ўшанем. Изием годым пөлекым
кондымыжым йывыртен вученам. Икшыве-
влакан лиймеке, юзо кошаш савырнен,
нуным куандаренам. Пагалыме коча-кова, ача-ава,
ўдыр-рвезе-шамыч, шушаш У ий пайрем дене шокшын
саламлем. Йоча-влак, сайын тунемза, паша деч ида
лүд. Пайдале сомыл илышыш вашталтышым
пурта, сеңымашыш шуаш полша. Ида öрка-
не, телефоным öрдыжкö коранден,
түрлö кидпашам ыштыза.



Салтаклан тыланымаш

Украиныште спецоперацийыште улшо-влаклан «У ий саламлымаш» республикысе конкурсышто 6-9 ияш ўдыр-рвезе-шамыч коклаште Марий Турек район Арбор школын 3-шо классыштыже тунемше **Ростислав Васинкин (снимкыште)** сеңгышыш лектын. Уста рвезе, гармонь дене шкеак шоктен, Арбор вел мурым йонгалтарен да салтак-влаклан тыгай тыланымашым ойлен:

– *Элна ончылно порысым шукташ кайыше чыла салтакым шушаш У ий дене шокшын саламлем. Тазалыкым, сеңымашым, аралтышым, кужу ўмырым тыланем. Толшаш идалыкыште тек чыла сай шонымашда шукталтеш. Тек нимогой нелылык тендам огеи пүгыртö. Йöсö ончылно рыл шогыза. Таза капкылан пörтылаш тыланем.*

Х.ГЕННАДЬЕВА.



10-12 ияш ўдыр-рвезе-влак коклаште Волжский район Упшер школын тунемшыже

Анна Дмитриева сеңгышыш лектын. 1-ше номеран Шернур школ гыч **Анна Прохорова** 13-15 ияш-влак коклаште ойыртемалтын.

Куандарыже у идалык

У Торъял район Немда школын тунемшыже-влак Регина Лебедева ден Диана Маличенко (снимкыште) У ийым моткоч вучат. Тений Диана спорт дене пентгыде кылым кучаш тўгалын. У ийыште тагасымашлаште сеңгыше-влак радамышл лекташ шона. Ача-аважым чыла предмет дене «визытан» отметке дене куандарынеже.

Регина изажым армийыш ужатен. Сандене шушаш У ийым молгунамсе деч чотрак вуча. Вуй ўмбалне канде кавам, тыныс илышым йодеш. Изаже пörтылмешке, гитар дене шокташ тунемнеже. Йöратыме еңжым сылне сем дене вашлияш шона.

Е.ИВАНОВА.
Авторын фотожо.



Поро шарнымаш

2022 ийыште шуко онай вершöрыштö лияш пиал шыргыжалын. Класс, еш дене Елабуга, Ульяновск, Моско олалам ончен коштмо. Тений мый у школыш тунемаш кусненам. Шуко йолташым муынам. Мом У ийыште вучем? Ача-авам таза, вуй ўмбалне яндар кава лийышт.

Аня ВИНОГорова.
Звенигово, Шолэнгер.

Изаже чодыраште шудым авызла.
Шольыжо пакча гыч кешырым вуча.
Тушто.

Мурылан – пöлек

Нылымше классыште 28 йоча тунемына. У ий пайремым куанен вучена. Пырля погынен, Я.Эшпай лүмеш Марий кугыжаныш филармонийыш миенна. Йүштö Кугыза, Лумўдыр, йомак гыч түрлö персонаж мыланна пайремым пöлекленыт. Меат, кож йыр шогалын, пырля муренна, куштенна. Ош пондашан коча да тудын уныкажлан пöлекым ямдыленна. Сылне мурым муренна. Чыланат юзо коча деч пöлекым налынна.

Артём ИВАНОВ.
Йошкар-Ола,
24-ше номеран школ.



И.Е.КАМЕНЩИКОВ,
 марий семўзгар дене шок-
 тышо мастер. Олык Ипай
 лўмеш Кугыжаныш молодёжный
 премийын лауреатше:

– Изиракем годым У ийым вашлийынат омыл манаш лиеш: мален колтенам. Кугурак лиймеке, еш дене пайремлаш тўналынна. Конгаш мелнам кўэштынна, моло кочкышым ямдыленна. У ийым школышто пайремлыме ушеш утларак кодын. Ачам кажне ийын у костюмым урген. Корак, пагыр, индеец лиймемым шарнем. Икана У ий эрдене кож йымалне йошкар носким ужинам. Тушко авам кампетым, шоколадым пыштен ямдылен. Поро шарнымаш кызытат чоным ырыкта. Йоча, ача-ава-влак, таза, пиалан лийза, лишыл ендам пагалыза. Кеч-могай пашам йоратен ыштыза.



Снимкыште Волжский район Пётъял школышто 1-ше классыште тунемше Мирослава Григорьевам ужыда. Изи ўдыр «У ий модыш» школысо конкурсыш ушнен. Пластик ате гыч у ий кожым аваж дене прыля ямдылен.

Л.КОШАЕВАН фотожо.



Тест

**Чеверын,
 Тўвыра поянлык
 идалык!**

Тиде идалыкклан пўлеклалтше ятыр материалым «Ямде лий» газетыште савыктым. Аysta тўткылыкдам тергена.

1.Звенигово район Кужмара йоча сымыктыш школышто кўслезе ансамбль пашам ышта. Тудо кузе маналтеш!


А.«Кўсле кыл». Б.«Чинчывий». В.«Югорно». Г.«Йонгалтыш».

2.Тиде вуйчиём дене айдемым лупшалат гын, черлана, маныныт.

А.Такия. Б.Шымакш. В.Рывыжупш. Г.Теркупш.

3.Р.Я.Андреева суртыштыжо тоштерым почын. Уста ўдырамаш могай кундемшыте ила!

А.Марий Эл. Б.Башкортостан Республик. В.Свердловск кундем. Г.Одо кундем.



Конкурсым иктешлена

Российысе калык-влакын тўвыра поянлыкышт идалыкклан пўлеклалтше «Тўвыра поянлыкклан мом шотлем?» конкурсым иктешлена. **У Торъял район Немда школын тунемшыже Есения Егошина ден Морко район Энерсола школ гыч Ксения Бутенинан** пашашт ойыртемалтше лийыныт. Ўдыр-влакым пўлек вуча.

Палаш онгай

Ожно улан илыше-влак кож модышым Европо гыч кондыктеныт. Тыглай калык картон, кагаз, куэм, мамык гыч ыштен, кочкышым сакален, папье-маше гыч ненчен. Кўртнывоштырыш мамыкым пўтырен, клоуным, морякым, суксым да мольным тодыштын. Чурийым кагаз гыч ыштен.

Тауштен вучем

Адак ик ий шенгелан кодеш. Тудо кажне енлан могай-гынат шарнымашым кода. Мутлан, мыланем паспортым кучыктеныт. Школ илышнат онайын эрта. Мемнан, 8-ше классыште тунемше-влакын, кокымшо чырыкыште марий йылме да литератур предметла дене урокым Марий кугыжаныш университетын студенткыже А.А.Рыбакова вўден. Тўрлў пайрем-влакым эртарен. Алёна Альбертовна шкежат Конганур школым тунем пытарен. Кызыт туныктышо лияш ямдылалтеш. Мемнамат ты корным ойыраш кумыланда. Тиде ийлан таум ойлем. Шушаш идалыкым куанен вучем.

Елена ИВАНОВА.
 Кужэгер, Конганур.



6 **Артем ГИЛЬМАНОВЫН** сўретше. Медведево, Руэм.



54-31=	Й
5x5=	К
17+12=	Ж
11+11=	И
54:2=	О
400:20=	У

Пример-влакым шотлыза. Таблицым ончен, келшыше буква-влакым возыза. Могай муткылдыш лектеш!

Задаче Йүштө Кугыза Лумүдырлан йынгыртен. Нуно Купсолаште йоча-влаклан у ий пөлекым пырля кучыкташ кутырен келшеныт. Но Лумүдыр Шүргыялыште лийын, Йүштө Кугыза – Чодыраялыште. Шүргыял гыч Купсола марте – 16 километр, Чодыраял гыч Купсола марте – 12 менте. Йүштө Кугыза мардеж ваштареш ик шагатыште ныл километрым кая, а Лумүдыр мардеж почеш кок пачаш писынак ошкылеш гын, Купсолашке кө ончычрак миен шуэш?



«Ушанле йолташем дене»




Келшыше ўмылым кычалза. Могай мут лектеш!



Мамык пырче-влак йогат,
Модын, мландым петырат.
Йол йымалне шырт шокта.
Лум шке семын выжгыкта.
Арина МАКСИМОВА.
Параньга, Матародо.

Фотоконкурсшко ятыр паша пурен. Ўдыр-рвезе-влак ўшанле йолташыште дене пырля модмаште, пашам ыштываште, марий мероприятийыште онгайын вользалтыныт. Сенгышым ойыраш жап толын шуын. Медведево посёлко гыч **Феликс Ларионов ден Петр Яковлев (снимкыште)** эн шуко лайкым погеныт. Нуным редакцийыште чапле пөлек вуча. Шокшын саламлена!



1947 ий гыч 1 январь каныш кечылан шотлалтеш.

Йоча-влаклан Кремльысе у ий ёлко 1954 ийыште икымше гана лийын.

1848 ийыште Германияште икымше у ий модышым ыштеныт.

Декабрьыште шочшо серызе-влакын лўмыштым палыза.

1.«Весенняя гроза» почеламутшо кумдан палыме. 2.«Ший курымын» поэтше, тале кусарыше. 3.14 ияш улмыж годым тукумлўмжым Фетлан вашталтен. Ончыч фамилийже могай лийын? 4.Нобелевский премийын лауреатше. 5.Руш серызе, журналист. Тудын лўмжым руш йылме дене ОГЭ-лан ямдылалтме годым чўчкыдын ужаш лиеш. 6.«Бедная Лиза» повестын авторжо. 7.«Молодая гвардия» романым возышо серызе. 8. Руш ўдырамаш поэзийлан негызым пыштыше поэтессе. 9.«Первый учитель», «Тополёк мой в красной косынке» повесть-влакын авторжо. 10.«Денискины рассказы» книгажым кажне ег пала.

«Русская словесность» кружокын енге-влак. Волжский, Сотнур.



ТЕАТР		ШКЕТАНА	
2 пн 10:00	БОЛЬШОЕ СЕРДЦЕ МАЛЕНЬКОГО ХРЮ Сказка +Новогоднее представление у ёлки	Е. Шашии Н. Кузьминных	3+
2 пн 12:00	ВОЛШЕБНАЯ ЛАМПА АЛАДДИНА Музыкальная сказка +Новогоднее представление у ёлки	А. Чупин	3+
5 чт 10:00	КОЛОБОК По мотивам русской народной сказки +Новогоднее представление у ёлки		0+
5 чт 12:00	ВОЛШЕБНАЯ ЛАМПА АЛАДДИНА Музыкальная сказка +Новогоднее представление у ёлки	А. Чупин	3+
6 пт 10:00	КАША ИЗ ТОПОРА Сказка +Новогоднее представление у ёлки	Г. Латышева	0+
6 пт 12:00	ВОЛШЕБНАЯ ЛАМПА АЛАДДИНА Музыкальная сказка +Новогоднее представление у ёлки	А. Чупин	3+
7 сб 10:00	БОЛЬШОЕ СЕРДЦЕ МАЛЕНЬКОГО ХРЮ Сказка +Новогоднее представление у ёлки	Е. Шашии Н. Кузьминных	3+
7 сб 12:00	ВОЛШЕБНАЯ ЛАМПА АЛАДДИНА Музыкальная сказка +Новогоднее представление у ёлки	А. Чупин	3+

ЯНВАРЬ 2023 ШКЕТАНА RU

«Ямде лий» газет
Тўн редактор
Л.Н.ГРИГОРЬЕВА.
Индекс: П4696.
Тираж 1550 экз. Заказ
Формат – А-4-8.
https://vk.com/yamde_lii
<https://t.me/yamedelii>
E-mail: yamde_lii@mari-el.ru
(документ кагазлан),
yamde_lii@mail.ru
(автор-влаклан)
Сайтын адресше: yamdelii.pf

УЧРЕДИТЕЛЬ-ВЛАК: Марий Эл Республикысе культуру, печать да калык-влакын пашашт шотышто министерстве, «Кугарня» газет» кугыжаныш унитарный казна предприятий.

Газетым редакцийыште погымо да версталыме, «Марий Эл Республикысе Правительствын типографийже» ООО-што ямде оригинал-макет гыч савыктыме. Типографийын адресше: 424000, Йошкар-Ола, Комсомольский урем,112.

Газетым Кыл, информационный технологий да массовый коммуникаций сферым эскериме шотышто федеральный службын Юл кундем федеральный округысо управленийышытыже регистрироватлыме.
Номер – ПИ № ТУ52-01335,
2021 ий 29 сентябрьыште пуымо.

0+

Печатьш пуымо жап – 14-00, фактически – 13-00

Авторын да редакцийын шонымышт тўрлө лийын кертыт. Серыш-влак монтеш огыт колталт. Ак – кутырен келшыме почеш.

Редакцийын да издателынын адресше: 424006, Йошкар-Ола, СССР Вооружённый Вийын 70-ше идалыкше урем, 20-шо пöрт. Тел. 8(8362) 45-22-82(факс).

Шорыкюл

Шч	Км	Вр	Из	Кр	Шм	Рш
1	2	3	4	5	6	7 8
9	10	11	12	13	14	15
16	17	18	19	20	21	22
23	24	25	26	27	28	29
30	31					

Пургыж

Шч	Км	Вр	Из	Кр	Шм	Рш
1	2	3	4	5		
6	7	8	9	10	11	12
13	14	15	16	17	18	19
20	21	22	23	24	25	26
27	28					

Ўяряя

Шч	Км	Вр	Из	Кр	Шм	Рш
1	2	3	4	5		
6	7	8	9	10	11	12
13	14	15	16	17	18	19
20	21	22	23	24	25	26
27	28	29	30	31		

Вүдшор

Шч	Км	Вр	Из	Кр	Шм	Рш
1	2	3	4	5	6 7	8 9
10	11	12	13	14	15	16
17	18	19	20	21	22	23
24	25	26	27	28	29	30

Ага

Шч	Км	Вр	Из	Кр	Шм	Рш
1	2	3	4	5	6 7	
8	9	10	11	12	13	14
15	16	17	18	19	20	21
22	23	24	25	26	27	28
29	30	31				

Пеледыш

Шч	Км	Вр	Из	Кр	Шм	Рш
1	2	3	4			
5	6	7	8	9	10	11
12	13	14	15	16	17	18
19	20	21	22	23	24	25
26	27	28	29	30		

«Ямде лий» газетлан – 90 ий

2023



Снимкыште: Яна Ясмурзина (2-шо номеран Морко школ), Игнат Медведев, Антон Веткин (Шернур, Койсола), Настя Ушкина (Звенигово, Кужмара).

Сүрем

Шч	Км	Вр	Из	Кр	Шм	Рш
1	2	3	4	5	6 7	8 9
10	11	12	13	14	15	16
17	18	19	20	21	22	23
24	25	26	27	28	29	30
31						

Сорла

Шч	Км	Вр	Из	Кр	Шм	Рш
1	2	3	4	5	6	
7	8	9	10	11	12	13
14	15	16	17	18	19	20
21	22	23	24	25	26	27
28	29	30	31			

Идым

Шч	Км	Вр	Из	Кр	Шм	Рш
1	2	3	4	5	6 7	8 9 10
11	12	13	14	15	16	17
18	19	20	21	22	23	24
25	26	27	28	29	30	

Шыжа

Шч	Км	Вр	Из	Кр	Шм	Рш
1	2	3	4	5	6 7	8
9	10	11	12	13	14	15
16	17	18	19	20	21	22
23	24	25	26	27	28	29
30	31					

Кылме

Шч	Км	Вр	Из	Кр	Шм	Рш
1	2	3	4	5	6 7	8 9 10 11 12
13	14	15	16	17	18	19
20	21	22	23	24	25	26
27	28	29	30	31		

Теле

Шч	Км	Вр	Из	Кр	Шм	Рш
1	2	3	4	5	6 7	8 9 10
11	12	13	14	15	16	17
18	19	20	21	22	23	24
25	26	27	28	29	30	31